


正續藏經

一





南無本師釋迦牟尼佛



[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>



[www.docsriver.com](http://www.docsriver.com) 商家 本本书店  
内容不排斥 转载、转发、转卖 行为  
但请勿去除文件宣传广告页面

若发现去宣传页面转卖行为，后续广告将以上浮于页面形式添加

[www.docsriver.com](http://www.docsriver.com) 定制及广告服务 小飞鱼  
更多**广告合作及防失联联系方式**在电脑端打开链接  
<http://www.docsriver.com/shop.php?id=3665>




藏經書院版

卍續藏經

第 1 冊  
印度撰述  
律 部  
經 部

新文豐出版公司發行



出續藏經. -- 臺一版. -- 臺北市：新文豐，[民82  
-]

冊；公分

ISBN 957-17-0665-5 (一套：精裝)

-- ISBN 957-17-0953-0 (第一冊：精裝)

1. 藏經

221.08

82000521

中華民國八十二年十月一版三刷


新編  
出續藏經  
全一五一冊  
第一冊

精裝一冊基價一五·五五元正

版權發行人高本釗

編輯者藏經書院

印發行所及新文豐出版股份有限公司



所有

公司：臺北市雙園街九十六號  
電話：三〇六〇七五七  
門部：臺北市羅斯福路一段二十八號  
電話：三三三二九  
台北郵政特種掛號信箱四號  
登記證：郵政特種掛號信箱四號  
郵政劃撥：局版臺業字第四六四九號  
傳真：三九二八五一六·三四二三八七〇



# 卍續藏經目錄

新文豐出版公司影印卍續藏經會編印

## 第一冊 印度撰述 經部

|                      |          |      |
|----------------------|----------|------|
| 父子合集經二十卷             | 宋日稱等譯    | 0001 |
| 須摩提經一卷               | 唐菩提流志譯   | 0131 |
| 阿彌陀佛說咒一卷             |          | 0135 |
| 佛說佛名經三十卷之內一至五卷       |          | 0136 |
| 佛說佛名經六至二十五卷          |          | 0199 |
| 佛說佛名經二十六至三十卷         |          | 0397 |
| 楞伽阿跋多羅寶經會譯四卷之內一至三卷   | 明員珂會譯    | 0445 |
| 楞伽阿跋多羅寶經會譯第四卷        | 明員珂會譯    | 0613 |
| 大華嚴長者問佛那羅延力經一卷       | 唐般若、利言共譯 | 0681 |
| 大明仁孝皇后夢感佛說第一希有大功德經二卷 |          | 0682 |
| 佛說無量壽佛名號利益大事因緣經一卷    | 曹魏唐僧鎧譯   | 0696 |

佛說善惡因果經一卷……………0698

般若波羅蜜多心經一卷……………0704

普遍智藏般若波羅蜜多心經一卷……………0705

佛說開覺自性般若波羅蜜多經四卷……………0706

佛說舍衛國王十夢經一卷附西晉錄……………0726

佛說金光王童子經一卷……………0728

難你計濕嚩囉天說支輪經一卷……………0730

佛說勝義空經一卷……………0733

佛說隨勇尊者經一卷……………0734

佛說佛十力經一卷……………0737

佛說清淨心經一卷……………0739

金色童子因緣經十二卷……………0740

佛說受新歲經一卷……………0802

印度撰述 律部

根本說一切有部毗奈耶藥事十八卷……………0805

唐義淨譯



大宋新譯三藏聖教序

〔麗紫〕

太宗神功聖德文武皇帝製

大矣哉。我佛之教也。化導群迷。闡揚宗性。廣博宏辯。英彥莫能究其旨。精微妙說。庸愚豈可度其源。義理幽玄。真空莫測。包括萬象。譬喻無垠。綜法網之紀綱。演無際之正教。拔四生於苦海。譯三藏之祕言。天地變化。乎陰陽。日月盈虧。乎寒暑。大則說諸善惡。細則比於恒沙。含識萬端。弗可盡述。若窺像法。如影隨形。離六情以長存。歷千劫而可久。須彌納藏於芥子。如來坦蕩於無邊。達磨西來。法傳東土。宣揚妙理。順從指歸。彼岸菩提。愛河生滅。用行於五濁。惡趣拯溺於三業途中。經垂世以難窮。道無私而永泰。雪山貝葉。若銀臺之耀日。歲月煙蘿。起香界之自遠。巍巍罕測。杳杳難名。所以道資十聖。德被三賢。至道起於乾元。衆妙生乎太易。物繁形類。竅鑿昏明。絕彼是非。開茲蒙昧。有西域法師。天息災等。常持四忍。早悟三乘。翻貝葉之真詮。續人天之聖教。芳猷重啓。運偶昌時。潤五聲於文章。暢四始於風律。堂堂容止。穆穆輝華。曠

劫而昏墊重明。立門昭顯。軌範而彌光妙法。淨界騰音。利益有情。俱登覺岸。無成郭礙。救諸疲羸。冥昧慈悲。浩汗物表。柔伏貪恨。啓滌昏愚。演小乘聲聞。合其儀論。大乘正覺。立其性含靈。悟而蒙福。藏教缺而重興。幻化迷途。火宅深喻。雖設其教。不知者多。善念生而無量。潛臻惡業。興而隨緣。皆墮調御。四衆積行。十方澍華。雨於金輪。護恒沙於玉闕。有頂之風。不可壞。無際之水。弗能漂。澄寂湛然。圓明清淨之智慧。性空無染。妄想解脫之因緣。可以離煩惱於心田。可以得清涼於宇宙。朕慚非博學。釋典微閑。豈堪序文。以示來者。如糜螢燭火。不足比之於皎日。將微盡量。海未能窮。盡於深淵者哉。

繼作聖教序

真宗文明章聖元孝皇帝製

高明肇分三辰方乃序其次厚載初定萬彙於以發乎端清濁之體既彰善惡之源是顯然後以文物立其教以正典化其俗利益之功同歸於理於是乎像法來於西國真諦流於中夏洞貫千古真實之理無以窮囊括九圍玄妙之門莫能究言乎妄想則五蘊皆空現乃真容則一毫圓滿廣大之教豈能紀述者哉伏觀

太宗神功聖德文武皇帝法性周圓仁慈普布化蠻貊則萬邦輻湊躋烝民於仁壽之鄉崇教法則四海雲從惠蒼生於富庶之域見尊經之浩汗設方便以救沉淪知法界之恢宏行精進而攝懈怠乃擇其邃字校彼真文命天竺之高僧譯貝多之佛語象管翻成於金字珠編復置於琅函龍宮之聖藻惟新鷲嶺之蕊蕊仰歎由是三乘共貫四諦同圓盡苦空真正之言顯祕密精研之義讚相相乎實相論空空乎盡空華嚴之理合軌轍金像之教同規矩朕續嗣

丕構恭敬寶圖常翼翼而撫兆民每兢兢而守

先訓以至釋典尤未精詳諒其幽深曷能探測有譯經西域僧法賢奏章懇切致意專勤以

先皇帝大闡真風高傳佛旨興前王之墜典振覺路之頽綱欲旌

天造之功庸用廣

聖文之述作請予製序繼聖教焉自聖考上僊追號罔息政事之外何暇經心今已禪除思臻微奧雖幻承慈誨柰夙乏通才焉窮乎法海之津涯莫造乎空門之闡域略敷大意以徇輿情踴泝不足擬浴日之波尺箠豈能量昊天之星聊述短序以紀聖功者焉

父子合集經卷第一

西天譯經三藏朝散大夫試鴻臚卿宣

梵大師賜紫沙門臣日稱等奉 詔譯

淨飯王始發信心品第一

如是我聞一時佛在舍衛國說法施化能事畢已往迦毗羅國去城不遠住尼拘律陀林中與大比丘衆千二百五十人俱皆阿羅漢諸漏已盡無復煩惱心善解脫慧善解脫如大龍王所作已辦棄諸重擔逮得已利盡諸有結心得自在能到最上究竟彼岸其名曰阿若憍陳如摩訶迦攝優婁頻羅迦攝迦耶迦攝那提迦攝舍利弗大目乾連衆所知識大阿羅漢等復有種類差別捨邪歸正外道尼乾子沙門婆羅門無數衆會皆悉來集所謂調伏衆寂靜寂靜衆善超彼岸善超彼岸衆善住安隱善住安隱衆出離煩惱出離煩惱衆能離罪惡能離罪惡衆洗除罪垢洗除罪垢衆善超三有善超三有衆遠離五塵遠離五塵衆離諸障礙離諸障礙衆清淨意樂清淨意樂衆具足諸根具足諸根衆遠順解脫遠順解脫衆

善護自身善護自身衆具諸正念具諸正念衆具四神足具四神足衆樂說明記樂說明記衆明了緣諦明了緣諦衆善寂諸根善寂諸根衆決定信解決定信解決衆樂求義利樂求義利衆觀察無我觀察無我衆離諸分別離諸分別衆斷除疑惑斷除疑惑衆身行輕安身行輕安衆自在愛樂自在愛樂衆心善解脫心善解脫衆慧善解脫慧善解脫衆住聖種族住聖種族衆如是衆會身意泰然樂得善利各與徒屬來詣佛所猶如廣大鉢羅奢樹枝葉繁茂生長圓滿清淨而住

爾時世尊於初夜分露地而坐寂然無聲一切大衆恭敬圍繞於是如來觀察時會諸比丘衆而問之曰何人堪往化淨飯王勸導發心生淨信解時尊者憍陳如卽從座起偏袒右肩右膝著地合掌作禮白言世尊我當願往佛言憍陳如汝居聲聞最爲上首先解諦義有大名稱一切衆生尊奉如師且止是說不須汝往是時會中四大迦攝及舍利弗目乾連等各伸禮敬而作是言我能往化淨飯聖王佛皆不允止

之如初時大目乾連卽作是念未知如來今遣何人詣父王所遂入定觀乃觀如來心光遠矚彼優陀夷猶如杲日穿其樓閣從於東廂直注西垣時目乾連從定起已往詣尊者優陀夷所而語之曰世尊召子往化父王故相報爾優陀夷曰果蒙教敕固當從命目乾連曰尊者所往此極難事宜自審悉無貽後悔所以者何彼爲灌頂利帝利王威德尊嚴性無敢犯孰能導達何由召對況復教化發生信心今取諸譬子當可悉如以百夫於累歲中擔負乾薪積成大聚縱火焚之其燄猛熾復以酥油而沃其上頗有人能於此廣大火聚中行不爲所害又如有入欲於最勝龍象口中而取其牙當知是人必遭所損今欲往化淨飯聖王此極爲難亦復如是我今粗陳少分譬喻臨事籌量好自安意於是世尊乃召尊者優陀夷至而語之曰於我聲聞弟子之中汝爲釋種具足辯才善說法要今可往化淨飯父王以善方便開發道意時優陀夷承佛指喻唯然受教白言世尊我今當往唯願大慈勿垂軫慮設使父王或見致怒遙冀慈光

冥加救護爾時世尊爲優陀夷而說偈言

|       |       |       |
|-------|-------|-------|
| 賢哉優陀夷 | 今當聽我說 | 汝具智辯才 |
| 衆中爲上首 | 釋種淨飯王 | 見必生忻悅 |
| 是故汝應往 | 速勸令發心 | 若能化父王 |
| 發生清淨意 | 諸天及世人 | 咸增長善利 |
| 安閑不修善 | 如沮岸將墜 | 當於現生中 |
| 除我慢疑惑 | 富貴利那頃 | 增放逸染著 |
| 如羈旅無財 | 所思唯有苦 | 處最勝宮殿 |
| 受殊妙欲樂 | 佛教不了知 | 樂壞生悲惱 |
| 具四種兵衆 | 七寶諸眷屬 | 隨意而自在 |
| 樂壞生悲惱 | 有夜叉鬼神 | 瞰衆生精氣 |
| 令人染衆病 | 於身何不護 | 積聚諸珍寶 |
| 如計羅娑山 | 染慧所纏縛 | 不能自觀察 |
| 由染慧覆心 | 善法無所了 | 如人處夢中 |
| 何能有知覺 | 凡夫失明慧 | 決定獲憂怖 |
| 猶如涉遠道 | 而喪其伴侶 | 是故優陀夷 |
| 當以善方便 | 勸王立信幢 | 摧我慢高舉 |
| 餘人非善巧 | 獎助令發心 | 汝具妙辯才 |



|       |       |       |
|-------|-------|-------|
| 能示三有苦 | 我念過去劫 | 有王出於世 |
| 名稱徧十方 | 號曰眞實聚 | 以善法治世 |
| 境極海邊際 | 俱胝那由多 | 臣民咸歸奉 |
| 諸聚落城邑 | 多種種華果 | 地唯生軟草 |
| 無瓦礫荆棘 | 流泉及林木 | 處處皆圍繞 |
| 百千乾闥婆 | 互奏諸音樂 | 賢聖集其中 |
| 民物咸豐樂 | 多諸比丘衆 | 依止持淨戒 |
| 復有諸外道 | 大山大智者 | 其數有百千 |
| 捨所修苦行 | 咸生眞實見 | 信樂佛正法 |
| 怖彼三惡道 | 願得生天果 | 彼王有太子 |
| 名曰堅固慧 | 值過去諸佛 | 久植諸德本 |
| 俱胝那由佗 | 人民皆親近 | 觀五欲過患 |
| 心常生厭離 | 視王所居處 | 如彼天宮殿 |
| 后妃競圍繞 | 受欲樂無極 | 是時堅固慧 |
| 即啓白父王 | 我今誠實心 | 誓求無上道 |
| 於采女眷屬 | 都不生忻樂 | 少年著欲者 |
| 樂壞苦卽至 | 如往古大僊 | 栖止於山谷 |
| 五欲非究竟 | 寂靜卽爲樂 | 王語堅固慧 |

之願疑頓

|       |       |       |
|-------|-------|-------|
| 勿作如是說 | 若不受欲樂 | 何名爲我子 |
| 有國之富貴 | 如彼多聞天 | 諸宮殿樓閣 |
| 衆寶而莊嚴 | 百千衆妓樂 | 周而常圍繞 |
| 具最上色相 | 類天女無異 | 面貌皆圓滿 |
| 脣丹齒齊密 | 額廣復平正 | 目比青蓮葉 |
| 形儀悉端直 | 膚潔猶珂雪 | 作衆妙歌舞 |
| 而共相娛樂 | 年少色鮮白 | 如彼枝上花 |
| 汝當住於此 | 勿棄於榮貴 | 我今誠謂汝 |
| 非毀亦非譽 | 太子善了知 | 王位極尊勝 |
| 我聞是說已 | 決志求出離 | 於彼五欲境 |
| 不著如夢寐 | 復白於父王 | 自念從無始 |
| 爲欲之所溺 | 娛情不知愧 | 猶如彼盲夫 |
| 艱辛趣險道 | 自捨平坦處 | 憑誰爲歸救 |
| 於欲不了知 | 何由脫苦縛 | 當離於險道 |
| 此心非顛倒 | 若能遠諸欲 | 安隱除過患 |
| 當知著欲者 | 如盲無所見 | 欲境如瀑流 |
| 願注難防護 | 世有明智人 | 當生於厭怖 |
| 欲爲衆苦因 | 損害逾蛇螫 | 刀杖與毒藥 |

熾火然相似 堅固慧王子 含悲白父王  
我志在山林 離欲求解脫 是身深可厭  
老病苦縈縛 不顧王寶位 願允聽出家  
是時王族中 童子名月施 見太子出家  
亦隨修梵行 太子出家已 具勇猛精進  
獲得五神通 善修四無量 人中釋師子  
說法無所畏 教化諸衆生 皆令入佛道  
彼月施童子 以善巧方便 示五欲過患  
勸王發道意 優陀夷當知 往昔堅固慧  
於汝意云何 今則我身是 其月施童子  
樂修眞實行 同居釋種中 今則汝身是  
是故優陀夷 汝今應當往 勸父王發心  
增長諸善利

爾時尊者優陀夷聞佛世尊說是偈已欽承慈旨作  
禮而退於晨朝時執持應器往迦毗羅城詣王宮門  
見有百千釋種皇族共集一處時彼衆中有一釋種  
名日月面與優陀夷舊爲知識遙見尊者往相慰問  
何緣至此優陀夷曰今從世尊所住之處尼拘律陀

林中匍匐而來奉佛慈旨遣令教化淨飯父王開發  
淨信彼聞說已而作是言昔者太子若不捨家決定  
當作轉輪聖王十善治化王四天下當有七寶自然  
出現所謂輪寶象寶馬寶珠寶女寶兵寶主藏神寶  
復有千子之所圍繞一切人民恭敬尊重今既出家  
志樂空寂則失如是廣大富貴今所集會正議此耳  
所言未竟時淨飯王卽召釋種群列于庭而語之曰  
卿等當知悉達太子棄捨國位上妙快樂樂居林野  
一何錯謬而今而後汝等不應往詣彼所供養恭敬  
若有違者必當捶罰時有釋種名曰善悟聰慧明達  
多諸善巧出至宮門見優陀夷方便附近漸至屏處  
始敢伸問世尊導師起居輕利安隱快樂四大調和  
少病少惱化度衆生無疲勞耶復有釋種名曰無憂  
復有釋種名曰離憂詣尊者所問訊世尊一如前說  
我等咸欲詣世尊所適奉王旨諸釋種等不得於佛  
親近供養若有違越必行捶罰爲懼嚴敕無敢往者  
時優陀夷聞已太息淨飯父王何意如是如來慧日  
出現世間於諸衆生多所饒益一切人民四大天王

帝釋天主梵天王等競伸供養曾無虛日我當求見  
彼淨飯王具陳上事乃入定觀知彼父王信根成熟  
決定可化時尊者優陀夷具諸威儀結跏趺坐涌在  
虛空高七多羅樹即現種種神通變化時淨飯王遙  
見尊者乘空而來心生歡喜合掌瞻仰說伽陀曰

希有成就殊勝行  
乘空至此有何緣  
現諸神變具威儀  
唯願聖者速當說

爾時尊者優陀夷以偈答曰

我是聖王子之子  
願王速發淨信心  
太子棄國成佛道  
身光常照於世間  
猶如赫日除雲翳  
龍子智光亦復然  
又如皎月舒盛光  
龍子智光亦復然  
又如師子吼巖谷  
龍子宣暢妙法音

依止如來法中住  
於勝福田興供養  
具勝吉祥大名稱  
智光能破諸癡暗  
空中普放大光明  
於三有中常照耀  
揜蔽遊空諸宿曜  
能伏一切諸外道  
衆獸聞已悉奔竄  
摧諸異論令開解

苦行外仙邪妄智  
流轉輪迴三界中  
一切世間諸有情  
如來開發智光明  
善惡二途極明顯  
如來善爲指其迷  
譬若雲能含衆水  
佛施法雨亦復然  
雨能充洽諸山林  
衆妙花藹悉開敷  
亦如龍子雨法雨  
十力無畏不共法  
海中衆寶彌盧山  
佛處聲聞大會中  
三十三天帝釋主  
龍子巍巍大沙門  
欲入佛法解脫海  
當以戒定爲船筏

不能入解無我理  
由無勝慧迷真諦  
盲無慧眼難出離  
爲破無始無明昏  
一爲平坦一險阻  
沒淤泥者能採拔  
普滋大地無高下  
增長人天諸善種  
藥草根莖及枝葉  
周徧莊嚴於大地  
滋榮佛法功德樹  
成熟菩提智花果  
煥赫巋然而不動  
最勝光明無與等  
廣興供養妙莊嚴  
諸天見者咸開悟  
成就智慧法寶藏  
能至念處摩尼聚

太子昔修諸苦行

或住陂池或巖窟

或依迥絕曠野中

善達空無相無作

牟尼大仙師子吼

指誘羣迷生覺悟

如是善巧方便力

難化能化使柔順

佛為最上調御師

能施衆生諸法寶

寂靜妙樂奢摩佗

戒定功德堅固藏

若能依教修諸行

除惑滅罪令清淨

是故天人阿修羅

常樂聞持佛正法

於是淨飯王為尊者優陀夷而說偈言

我子捨家無少樂

或乏飲食或臥具

猶如鮮潔青蓮花

置之陸地當枯悴

尊者優陀夷以偈答曰

如來遊戲諸神通

常演禪悅無飢渴

由住寂靜妙等持

若金蓮華體堅實

時淨飯王復說偈言

太子昔在皇宮日

百千采女常圍繞

睡寤常聞歌吹聲

棲止山林有何樂

尊者優陀夷以偈答曰

佛住解脫勝境界

深心依止諸禪定

行住坐臥威儀中

常生喜樂曾無苦

時淨飯王復說偈言

太子昔在皇宮日

衆妙茵褥敷臥具

百千燈炬常照明

向夕未嘗知有暗

尊者優陀夷以偈答曰

牟尼廣修殊勝行

以四無量為茵褥

心常利樂諸有情

於中庸境無癡鈍

時淨飯王復說偈言

昔時太子居深殿

遊戲受用諸快樂

左右侍衛善承迎

獨止山林何所得

尊者優陀夷以偈答曰

如來所止悉清勝

樂居寂靜阿蘭若

平等觀視於世間

常得天龍常恭敬

時淨飯王復說偈言

昔日太子處王宮

沐浴嬪嬙競承事

上妙塗香以瑩身

棲止山林何所得

尊者優陀夷以偈答曰



牟尼持戒爲浴池  
能令自他悉清淨

永滌諸惡淨無垢  
離衆塵穢登彼岸

時淨飯王復說偈言

太子所著殊妙衣

金縷貫飾珠瓔珞

旃檀和合妙塗香

棲止山林何所得

尊者優陀夷以偈答曰

牟尼以慚爲上服

菩提分法如珠鬘

護戒清涼若塗香

以用莊嚴功德體

時淨飯王復說偈曰

太子所住常嚴警

百千勇士持戈胄

繖蓋迎空蔽日光

獨向山林誰守護

尊者優陀夷以偈答曰

牟尼具足十智力

於諸怖畏心不動

慈悲普蔭諸群生

沙門法子常圍繞

時淨飯王復說偈言

善哉善說佛功德

不久當往聞法要

願今先受我供養

復持香飯奉如來

父子合集經卷第一

甲辰歲高麗國大藏都監奉  
敕彫造

父子合集經卷第二

〔麗案〕

西天譯經三藏朝散大夫試鴻臚卿宣

梵大師賜紫沙門臣日稱等奉 詔譯

淨飯王始發信心品第一之餘

時尊者優陀夷知淨飯王心生感悟說偈讚已白言

大王今佛世尊出興于世爲大法王具足成就諸善

功德於彼沙門大衆之中猶如滿月衆星圍繞世尊

光明復過于彼大王如來出世如秋空日無雲覆蔽

其光特盛佛於沙門大衆之中光明照耀復過於彼

又如海中有光明山其光赫奕出於衆山佛處沙門

大衆之中光明照耀復過于彼又如帝釋處善法堂

天衆圍繞身光熾盛異諸天子佛於沙門大衆之中

光明照耀復過于彼又如大梵天王百千俱胝梵衆

圍繞一切身光無與等者佛於沙門大衆之中光明

照耀復過于彼時淨飯王聞說世尊如是最勝光明

威神復自憶念往昔太子初降生時地六震動所謂  
 動徧動極徧動起徧起極徧起涌徧涌極徧涌震徧  
 震極徧震擊徧擊極徧擊吼徧吼極徧吼光照天地  
 無與等者即行七步不假扶掖是時空中澍二種水  
 一者溫暖二者清冷用為灌浴太子之身地中自然  
 湧出寶座殊妙繖蓋懸處虛空有諸天子恭敬尊重  
 手執白拂侍立左右乃至菩薩長年捨家厭五欲樂  
 常住正念說誠實語令諸有情不相損害所作決定  
 勇猛堅固願成無上正等菩提未得度者皆令得度  
 漸次至於究竟彼岸於是淨飯王為優陀夷而說偈  
 言

|       |       |       |
|-------|-------|-------|
| 若人初生時 | 言說唯決定 | 彼具寂靜慧 |
| 智者何不信 | 太子初生時 | 世間無與等 |
| 為世所尊重 | 智者何不信 | 乃至於夢中 |
| 曾無虛妄說 | 如說而修行 | 智者何不信 |
| 於境不生貪 | 不為貪所縛 | 不顧金寶聚 |
| 智者何不信 | 瞋如利刀劍 | 忿怒令佗怖 |
| 善離彼過失 | 智者何不信 | 勝慧常相應 |

|       |       |       |
|-------|-------|-------|
| 驚怖不能動 | 由離癡過失 | 智者何不信 |
| 受用五欲樂 | 不為彼纏縛 | 勝慧善決擇 |
| 智者何不信 | 百千種幻術 | 無少分真實 |
| 善人非所樂 | 智者何不信 | 無數巧妙言 |
| 畢竟為戲論 | 於縛不能脫 | 智者何不信 |
| 若愛樂法樂 | 相應諸義利 | 決定能離縛 |
| 彼言何不信 | 離垢方便力 | 人孰能防禦 |
| 逾城出釋宮 | 彼言何不信 | 棄捨五欲樂 |
| 棲山若麋鹿 | 志樂求菩提 | 彼言何不信 |
| 六年修苦行 | 為度諸眾生 | 求最上菩提 |
| 彼言何不信 | 六年食麻麥 | 不思諸美膳 |
| 求最上菩提 | 彼言何不信 | 六年處谷山 |
| 眾魔來伺隙 | 不能見少過 | 彼言何不信 |
| 何人不求利 | 獨無少希望 | 善離貪過患 |
| 彼言何不信 | 無上正等覺 | 若佗未曾聞 |
| 難信復難解 | 彼言何不信 | 若梵天請轉 |
| 或世尊自說 | 如是微妙法 | 彼言何不信 |
| 憐愍釋種故 | 示生於王宮 | 皆令脫苦縛 |